



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-203-4/22**
Datum: **11.05.2022. godine**

„Agencija za vodno područje rijeke Save“ Sarajevo rješavajući po zahtjevu fizičkog lica DRAGANOVIĆ JASMINA, Stijena bb Cazin, u postupku izdavanja vodne dozvole za ispuštanje tehnoloških otpadnih voda sa lokacije objekta samouslužne autopraonice sa pratećim sadržajima lociranog u naselju Stijena u Cazinu, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. Zakona o upravnom postupku („Službene novine Federacije BiH“, broj 2/98 i 48/99), donosi:

R J E Š E N J E **o vodnoj dozvoli**

1. Daje se vodna dozvola investitoru DRAGANOVIĆ JASMINU nastanjenog u naselju Stijena bb grad Cazin, za ispuštanje tehnoloških otpadnih voda sa lokacije objekta samouslužne autopraonice sa pratećim sadržajima, lociranog u naselju Stijena bb u Cazinu, izgrađenog na zemljištu označenom kao k.č. broj 2239/1 K.O. Stijena (novi premjer), odnosno k.č. broj 223/1 K.O. SP-Stijena (stari premjer), grad Cazin.
2. Ova vodna dozvola se odnosi isključivo na ispuštanje tehnoloških otpadnih voda za predmetni poslovni objekt definisan tačkom 1. ovog rješenja i ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede vodoprivrede i šumarstva Unsko-sanskog kantona, u skladu sa članom 139. stav (2) tačka 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljenje dokumentacije i izvršenim uviđajem na objektu, pod slijedećim uslovima:
 - 3.1. Da korisnik predmetnog objekta samouslužne autopraonice sa pratećim sadržajima, isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
 - 3.2. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i radnih površina nesmetano sakupljaju i odvođe do objekta predviđenog za tretman tehnoloških otpadnih voda (separator ulja i masti sa ugrađenim koalescentnim filterom, sukladno EN-858), a zatim tretirane vode ispuštaju u recipijent upojni bunar.
 - 3.3. Objekte za prikupljanje, tretman i ispuštanje onečišćenih otpadnih voda (slivnici, rešetke, kanalizaciona mreža, separator ulja i masti, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje separatora ulja i masti, može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.4. Da se tokom važenja ovog Rješenja obezbijedi minimalan broj uzorkovanja otpadnih voda iz okna za monitoring, shodno članu 13. Stav (2) i (4) i članu 14. Uredbe o uslovima ispuštanja otpadnih voda u prirodne recipijente i sisteme javne kanalizacije („Službene novine Federacije BiH“, broj 26/20 i 96/20), te pojedinačne i zbirni izvještaj putem laboratorije dostavi Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. Zakona o vodama i Pravilnika o uslovima koje

moraju ispunjavati referentne, odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).

- 3.5. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/3, 26/14, 15/17, 23/17 i 41/20).
 - 3.6. Talog iz separatora se ne smije ni privremeno odlagati na čestice „vodno dobro“, odnosno u vodotoke i na njegove obale.
 - 3.7. Investitor je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
 - 3.8. U skladu sa projektnom dokumentacijom najkasnije u roku od jedne godine izvesti radove na ugradnji okna za monitoring na cjevovodu ispusta iz separatora u upojni bunar radi uzorkovanja tretiranih otpadnih voda, o čemu obavezno pismeno izvijestiti ovu Agenciju putem ureda u Bihaću.
4. Vlasnik, odnosno korisnik objekta je obavezan voditi propisane evidencije te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačke 13. tabele te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove dozvole, fizičko lice Draganović Jasmin iz Stijene, je dužan provoditi sve mjere i aktivnosti propisane istom.
 6. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
 7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu autopraonice obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. Ova vodna dozvola, shodno članu 129. stav (1) Zakona o vodama („Službene novine Federacije BiH“, broj 70/06) se daje sa rokom važenja od **5 (pet) godina**, od dana pravosnažnosti ovog rješenja.
 10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
 11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Investitor – fizičko lice, DRAGANOVIĆ JASMIN iz Stijene grad Cazin , obratio se ovoj Agenciji dana 28.04.2022. godine sa zahtjevom za ispuštanje tehnoloških otpadnih voda iz samouslužne autopraonice

sa pratećim sadržajima, lociranog u naselju Stijena bb u Cazinu, izgrađenog na zemljištu označenom kao k.č. broj 2239/1 K.O. Stijena (novi premjer), odnosno k.č. broj 223/1 K.O. SP-Stijena (stari premjer), grad Cazin.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Ovjerena kopija lične karte podnosioca zahtjeva,
- Kopija uplatnice upravne pristojbe,
- Rješenje o odobrenju za izgradnju poslovnog objekta - samouslužne autopraonice; izdanog od strane Službe za urbanizam, zaštitu okoliša i inspekcijske poslove grada Cazina pod brojem 04-18-19-2775/2021, dana 01.09.2021. godine, u Cazinu,
- Kopija Zapisnika (11 listova) Komisije za tehnički prijem poslovnog objekta – samouslužne autopraonice kojim se potvrđuje da se može izdati upotrebna dozvola za novoizgrađeni poslovni objekat investitoru Draganović Jasminu, zapisnik izrađen dana 15.04.2022. godine od strane komisije imenovane rješenjem grada Cazina broj 04-19-5211/21 od 23.03.2022. godine.
- „Glavni projekat vanjske hidroinstalacije sa tretmanom otpadnih voda samouslužne autopraonice“ izrađen od strane ovlaštenog pravnog lica „Euroing“ doo Bihać pod brojem AGP 11-06/21 od juna 2021. godine, revidiran od strane ovlaštenog pravnog lica „TQM“ doo Lukavac pod brojem 10-101-21 dana 30.06.2021. godine te pregledan i ovjeren od strane AVP rijeke Save na osnovu izdate vodne saglasnosti broj UP-I/25-2-40-354-2/21 dana 16.08.2021. godine. (Na uvid)

Nakon pregleda dostavljene dokumentacije, u skladu sa članom 12. stav (5) Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19 i 41/20), izvršen je pregled izgrađenog poslovnog objekta samouslužne autopraonice sa pratećim sadržajima investitora „Draganović Jasmina“ Stijena bb grad Cazin i tom prilikom sačinjen zapisnik o uviđaju broj: UP-1/21-3-40-203-3/22 od 09.05.2022. godine. Prema Zaključku o posebnim troškovima investitor je izmirio obavezu i priložio kopiju uplatnice za iste.

Poslovni objekt samouslužne autopraonice sa pratećim sadržajima „Draganović Jasmina“ Stijena bb Cazin, izgrađen je sa lijeve strane regionalne ceste Cazin – Ljusina, u naselju Stijena, grad Cazin.

Objekat se sastoji od 4 boksa samouslužne autopraonice i to 3 natkrivena i jedan otvorenog tipa, te uređaja za usisavanje prašine sa dva aparata, internih saobraćajnih i parkirnih površina te zelenila.

Oborinske vode sa krova praonice su sistemom horizontalnih i vertikalnih oluka sprovedene do revizionih šahtova, a potom cijevnim sistemom do separatora te ispusta u upojni bunar.

Oborinske vode sa manipulativnih i parkirnih površina, te površina za pranje vozila, koje mogu da sadrže produkte naftnih derivata i suspendirane materije sa motornih vozila u prometu, deterdžente i sredstva za pranje motornih vozila prikupljaju se slivnicima i rešetkastim kanalicama a zatim se odводе u separator ulja i masti na potrebni tretman, a nakon tretmana ispuštaju preljevom izvedenim u upojni bunar.

Do momenta izvršenja terenskog uviđaja nije vršeno mjerenje kvaliteta otpadnih tehnoloških voda jer se radi o novoizgrađenom objektu.

Tačka 4. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom, u tački 3. dispozitiva ovog Rješenja, propisani uslovi u skladu sa članom 116. Zakona o vodama, odredbama Uredbe o uslovima

ispuštanja otpadnih voda u prirodne recipijente i sisteme javne kanalizacije, te članom 13. Pravilnika o sadržaju, obliku i uvjetima izdavanja i čuvanja vodnih akata.

Na osnovu provedenog postupka konstatuje se da je podnosilac zahtjeva, Draganović Jasmin, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Fuad Mujagić, dipl. inž.

Po ovlaštenju

Rukovodilac sektora za izdavanje vodnih akata



Haris Ališehović, dipl. inž. građ.

Dostaviti:

- Draganović Jasmin, Stijena bb, 77224, CAZIN
- AVP Sava, ISV – Vodna knjiga
- Sektor 50
- ☉ Sektor 40, arhiva
- Oglasna ploča-AVP Sava